

序

處今日之時勢，當以復興民族爲教育之中心。故先哲言行，足以發揚民族精神者，青年尤當認識。吾閩中等學校需用鄉賢教材，至爲迫切。去冬

國民政府軍事委員會委員長行營訓令編輯鄉賢事略到閩，省政府訓令教育廳遵卽編輯。其內容係取有益於國家民族，與人倫政治經濟之歷代鄉賢，照中學教科書體裁，擇要編輯，以三十人爲限，至清末民初之有功黨國者，亦選擇二三人，一併編入。教廳卽指定廳員數人（汪涵川、魏憲章、林城、林元麟、高仕煊、趙聲錚）就史傳志乘及由各縣送廳之鄉賢事實，慎選分編，得五十餘人。因行營限定名額，只編三十三人，經呈請

省政府核呈。行營在案。其餘如吳玠本係崇安五夫人，而宋史列爲隴干人，則生地易滋疑義；林默本係孝女，而廟宇遍於東南，則事蹟易涉迷信；選編理學人數較多，亦不能全數列送；而且分配時代，分配地方，故未報。行營者尙有十餘人。然考其言行，俱足爲後人欽式，殊難有所軒輊。茲將編輯原稿計五十一人，（附列者在外）統行彙輯付印。

分發本省各中等學校，採爲補充國文教材，使學生誦讀之下，景仰先哲之嘉言懿行，得所觀感，增進民族之自信心，有厚望焉。所有編輯大意，分列於下：

(甲)選材：

(一)編中所選鄉賢，皆係史乘著名之人，或偏重功業，或偏重學術，或偏重氣節，要以道德爲準。

(二)從歷史觀察，人才每與時勢有關。福建地方，至唐方見發達，故取材自唐始。陳元光父子四代開拓漳泉，陳巖平、黃巢之亂，鎮守福州，皆有裨於國家。林蘊、歐陽詹致力學業，於文化亦爲有功。宋代闡明道學，海濱鄒魯，由陳襄樹其先聲；以後楊游接、河洛之傳，李侗、黃幹、蔡元定、劉子翬諸學者繼起，樹立人倫標準。胡安國著春秋傳，鄭樵著通志，袁樞著通鑑紀事本末，真德秀著大學衍義，文章經濟，蔚然作者之林。劉克莊詩文成名，亦其次也。他如蔡襄政績卓著，蘇頌製造工巧，鄭俠直聲震人，皆爲表表。南渡以後，李綱出處動關大局，劉子羽、吳玠、保守、川陝，劉韜、陳文龍拒敵死節，謝翱、鄭思肖愛國遺民，尤足光耀史冊。及元、年代綦短，盧琦循吏，亦有足稱。有明一代，蔡清理學純粹，葉向

高相業昭著，王愼中文章彪炳。海寇禍閩，則有張經俞大猷之禦侮，陳第亦爲張俞之流亞。末葉，唐王正號福州，則有曹學佺黃道周之殉節。鄭成功規圖恢復，功雖不成，有光民族。國內不靖，浮海日衆，史紀潘和五義俠之事，亦足引重華僑。明清交替，李世熊張鵬翼閩西學者，亦卽先朝逸民。以後李光地蔡世遠孟超然倡行宋學，皆有學案；李光地政績尤著。伊秉綬以儒林作循吏，陳壽祺以經學修省志，立言立功，亦有可取。至藍鼎元區畫平臺，林則徐焚禁鴉片，沈葆楨創辦船政，學術政治而外，並有特別事實可紀。陳化成以抗英死難上海，有功民族，尤爲顯然。清末黃花崗一役，閩人居半，林文爲其魁。辛亥革命，林述慶起義鎮江，黃鍾瑛以海軍附黨，功在黨國，胥不能無述焉。史書代有列女，本省志乘所紀，亦不乏賢明婦女。故如林默之孝，林義姑之義，晏氏之才，莆田蔡氏福清林氏之爲賢母良妻，選編數人，以樹女界之範焉。

(乙) 編例：

(一) 遵照 行營命令，照中學教科書體裁編輯，故文字特求明顯暢達，卽前代史乘原文，亦改就淺顯，以期讀者易曉。

(二) 每篇字數，視事實之多寡而定。嘉言懿行可爲青年模範，事功氣節可振民族精神者，特別注重。

(三) 編述前人事實，循用客觀敘述爲標準。茲因便利閱讀，每篇之中，對於時代之背景關係，言行之特別注意，或提挈綱領，或綜合事實，或分析條理，或附帶結論，參以主觀筆法，以醒眉目。

(四) 每篇先將姓名籍貫，生卒年歲，（附以公元年數）官職諡法，祖父兒孫，略歷有可紀者，列諸篇首，以省文中敘述。

(五) 文字要取簡明，故將重要事實注於篇後，以備參考。及地名官名之下不常見者，亦行注出。惟字義不注。

(六) 文中分別段落，提行書寫，旁加標點符號，均從近來教科書形式。

(七) 其有時代事實相同，子孫功業繼起，及有可以附帶記述者，略取合傳性質，附

列其人。

中華民國二十四年五月鄭貞文

目錄

唐四人

雲霄陳元光事略.....一

建寧陳巖事略.....五

莆田林蘊事略.....九

晉江歐陽詹事略.....一三

宋十八人

仙遊蔡襄事略.....一五

侯官陳襄事略.....一九

同安蘇頌事略.....二七

福清鄭俠事略.....三三

崇安劉韜事略.....三九

目錄

將樂楊 時事略建陽游酢附……………四九

崇安胡安國事略……………五六

邵武李 綱事略……………五九

崇安吳 玠事略吳璘附……………六六

南平李 侗事略……………七一

莆田鄭 樵事略建安袁樞附……………七五

建陽蔡元定事略……………七九

長樂黃 幹事略……………八三

浦城真德秀事略……………八七

莆田劉克莊事略……………九三

莆田陳文龍事略 陳瓚附……………九六

連江鄭思肖事略……………一〇一

長溪謝 翱事略……………一〇三

元 一人

惠安盧琦事略

一〇七

明 九人

晉江蔡清事略

一一一

侯官張經事略

一二四

晉江王慎中事略

一二七

晉江俞大猷事略連江陳第附

一二九

福清葉向高事略

一二七

潘和五事略 閩縣陳聚良閩清黃乃裳海澄林推遷思明陳新政附

一三二

侯官曹學佺事略

一三六

漳浦黃道周事略

一四二

同安鄭成功事略

一五四

清 十一人

甯化李世熊事略.....一六七

連城張鵬翼事略.....一六九

安溪李光地事略.....一七〇

漳浦藍鼎元事略.....一七六

漳浦蔡世遠事略.....一八二

閩縣孟超然事略.....一八五

甯化伊秉綬事略.....一八七

閩縣陳壽祺事略.....一九〇

同安陳化成事略.....一九三

侯官林則徐事略.....一九六

侯官沈葆楨事略.....二〇二

民國三人

侯官林 文事略.....二〇九

侯官方聲洞閩縣林覺民尹民陳與樂侯官陳可
鈞陳更新馮超驤閩縣劉元棟長樂劉六符附

閩縣林述慶事略 侯官楊韻珂附 一二一

閩縣黃鍾瑛事略 一二八

列女

宋四人

莆田林 默事略 一二一

寧化晏 氏事略 一二三

莆田蔡 氏事略 一二四

閩縣林義姑事略 一二六

明一人

福清林 氏事略 一三九

陳元光事略

陳元光字廷鉅。父政，光州固始人。官閩，鎮雲霄。元光遂居閩，爲閩人。○官左玉鈴衛翊府左郎將。唐高宗永淳二年，進正議大夫，嶺南行軍總管。武后垂拱二年，任漳州郡刺史。中宗景龍二年，死於寇。詔贈右豹韜大將軍，立廟漳浦。玄宗開元四年，進封穎川侯，諡昭烈。

子珣，孫豐，曾孫謨，皆爲漳州刺史。珣諡文英，豐諡忠憲。

閩在隋唐以前，地處海濱，史書紀載多略。故有關州郡，死國難，歷官五代，賜諡三朝，廟食八縣，而國史缺焉。猶賴碑石方志，尙可鉤稽。闡揚休烈，爰述陳元光事略。

唐高宗儀鳳二年，統嶺南行軍總管事陳政卒。子元光代領父衆，討平廣寇陳謙等。永隆二年，盜起南海邊郡，朝命元光提兵入潮，嶺表平。元光疏請增建一州於泉潮間，以抗嶺表。武后垂拱二年，遂析福州西南境，置漳州郡，並置漳浦縣以屬之。○卽以元光爲刺史。元光之疏有曰：

「臣幸賴先臣緒業，叨蒙今日國恩，寄深都閫，任事專征。爰從視事以來，不敢少

有寧處。況茲鎮地極七閩，境連百粵，左袵居椎髻之半，可耕乃火田之餘。原始要終，流移本出於二州，窮凶極暴，積弊遂逾於十稔。元惡旣誅，餘兇復起，法隨出而奸隨生，功愈勞而效愈寡，撫綏未易，子育誠難。竊維兵革徒威於外，禮讓乃革其心。揆諸陋俗，良由職方久廢，學校不興，所事者蒐狩爲生，所習者暴橫爲尙，誅之則不可勝誅，徙之則難以屢徙。倘欲生全，幾致刑措，其本則在創州縣，其要則在興庠序。蓋倫理謹則風俗自爾漸孚，治法彰則民心自知感激。竊以臣鎮地曰安仁，誠爲治教之邦；江臨漳水，實乃建名之本。如蒙乞勅，定名號而復入職方，建治所而注頒官吏，治循往古之良規，誠爲救時之急務。秦越百家，愈無罅隙，畿荒一德，更有何殊。臣謬居外鎮，忝在封疆，所得事宜合奏，謹具厥由，伏候勅旨。」

讀元光此疏，知於設郡抗賊以外，尙注意於興學，其規模遠矣。

嗣又疏陳部曲許天正、馬仁等幹略，請授爲司馬等職，旨從之。乃率仁等剪除荆棘，營農積穀，奏立行臺。是時也，漳郡內外數千里不聞桴鼓之驚。

中宗景龍二年，潮寇雷萬興等潛抵岳山，元光率兵討之，爲賊將藍奉高所害。百姓

桴
音浮

哀之，爲提制服，權葬於綏安溪之大峙原。朝旨賜諡立廟。德宗貞元二年，州治徙龍溪，改葬元光于州北之高陂山，春秋饗祀至今。

夫立州郡，興庠序，營農積穀，都閫專征，文治武功，列之史傳，必有煌煌事業，可以垂後者，其不傳惜哉！夷考福建通志，漳浦縣冢墓文下，紀元光葬祖父母於半徑山，而自結廬於墓左，承重守制三年，又龍溪縣經籍文下，紀元光著述有玉鈴記一書。然則其德性，其文學，皆有足觀者。故史雖不傳，而人民思之綦切。今龍溪、雲霄、漳浦、南安、詔安、安溪、長泰、平和八縣，皆有元光廟存焉。

元光旣戰歿，子珣哀毀頻絕，廬於大峙原墓左，每泣見血。朝命以嶺南多故，令奪情代州事。珣懇辭終喪。玄宗先天元年，服終釋吉，乃視州事。開元三年，率武勇銜枚緣阻，夜襲蠻峒，獲藍奉高斬之，並俘餘黨，遷州治於李灣川，卽今之漳浦縣治也。

先是珣舉明經及第，授翰林承旨直學士。及武后稱制，上疏乞歸養，使主漳州文學。龍溪尹聘主鄉校。迺闢書院於松州，與士民論說典禮。是時州治初建，風俗固陋，珣開引

古義，於風教多所裨益。及爲刺史，益重學術，歷十餘年，剪除頑梗，訓誨士民，澤洽化行，人民歌誦。開元十九年，登王維榜進士，表辭封爵，不允。二十五年，乞休，復尋松州別業聚徒教授。天寶元年卒，諡文英。子鄆，後復爲漳州刺史。

鄆幼聆經史。天寶六年，舉秀才，旋任辰州甯遠令。在都見李林甫楊國忠柄國，無意仕進，回居光州舊第。數年，安祿山亂，適漳州刺史段伯梁，以貪暴失人心，州民詣福建觀察使，乞遵舊制，命陳鄆領州事，以拯民生。請於朝。天寶十年，授鄆爲朝散大夫中郎將漳州刺史。鄆至漳，父老喜曰：「陳將軍孫來矣。」既履任，建學延師，鋤強救災，一如祖父之政。歷任二十九年卒，諡忠憲。子謨詠訐。

陳鄆卒，子謨繼任。以平寇功，加中郎將。至德宗建中三年，去職。

陳詠幼有才識。年二十四，受觀察使薦，鎮龍巖，輯安士卒。嗣補汝甯錄事，轉恩州參軍。至京，京兆尹黎幹請於朝曰：「陳詠酬酢如鍾含音，大小隨叩，如水待汲，方員隨器，彼

雖不銜於人，人自難捨於彼，乞留府攝治中事。」旨從之。後奉命招撫西蜀。權攝京兆尹，令行禁止，僚佐推重。旋補光州司馬。

陳訐，官四門博士。

○閩書載：「高宗總章二年，泉州間蠻獠嘯亂，勅歸德將軍陳政統嶺南行軍總管事，出鎮綏安故地，進屯雲霄鎮。又福建通志園宅，漳浦縣內載：「唐陳元光宅在雲霄中，有燕翼宮落成會集詩云：「筮宅龍鍾地，承恩燕翼宮。」

○舊唐書玄宗紀：「開元十三年二月，改泉州爲福州。」據八閩通志稱：析福州西南境置漳州者，此係後人追紀之辭。又福建通志，陳元光官績內載：陳政渡雲霄，謂父老曰：「此水如上黨之清漳，」故以漳名，此卽漳水命名之始，亦卽漳州命名之因。

陳巖事略

陳巖字夢臣，建甯人。卒時年四十有四。

曾祖宏，字文保，爲當府司馬。時淮西逆命，帥軍討之，有功，加御史中丞。祖好古，字慕堯，不干利祿，有家集。

二十卷。子六人，長延晦，太子司議，嘗於宋宣和間著靈海上，封協靈惠顯侯，廟額曰昭利，建炎間，加封褒應昭利王。子姓九人，皆賜侯封，知宗正濮王仲湜爲碑記。

鏐 音留

嘗讀顧氏迴瀾論，王仙芝黃巢之寇播關東，時宰若王鐸諸人，旣非公輔之器，而將帥之討賊者，又留賊爲富貴之資，以致巢寇陷東都，汚宮闕，流血成川，而唐之君臣了無一策。噫，綱維弛壞，未有甚於此時矣。吳越錢鏐，代州刺史李克用，雖皆倡義抗賊，並著功績；然其憑藉之厚，宜若可爲者。惟巖起自窮氓，以區區鄉里之衆，破寇奠閩，効忠唐室。及王氏兄弟入閩，則表請於朝而官之，終則舉以自代，非所謂匹夫而樹保釐之勳，亂世而踐忠義之節者歟？傳其事蹟，則亦甘棠勿剪之意也。

巖慷慨饒智略，唐僖宗乾符六年，黃巢收衆踰江西，破虔吉饒信等州，因刊山開道七百里，直趨建州。刺史李乾祐棄城遁，後守李彥聖與戰死，建不能支。巖聚衆數千人保鄉里，號九龍軍，破走之。時邑爲黃連鎮，置義甯軍。巖被表爲鎮將，置鼓角，賜牌印，剪除餘寇，鄉井以安。巢將據福州，王師不能下，觀察使鄭鎰檄巖助師，一鼓登西城門，巢走粵東，鎰表巖爲團練副使，泉州刺史。左廂都虞候李連驕慢不法，縱其徒爲郡人患，巖將按

茸
音緝

誅；連奔走谿洞中，合衆攻福州，嚴擊破之；鎰遂表嚴自代。中和四年十二月，以嚴爲福建觀察使。

嚴爲治有威惠，表熊博爲刺史，寓治建陽。先是城壁公府學校，爲巢焚蕩幾盡，嚴悉力完茸。朝廷就加工部尚書，兵部尚書。未幾，又加右僕射，左僕射。不二年，又加司空。

光啓元年八月，王潮圍泉州，初壽春亡命王緒劉行全聚衆萬餘，南略潯陽贛水，取汀州，自稱刺史。至漳州，緒信望氣者言，見將卒有勇略踰己，及氣質魁岸者，皆殺之。潮在軍中自危，行至南安，狙擒緒，軍中奉潮爲將軍。行及沙縣，泉州人以刺史廖彥若貪暴，遮道請潮爲州將，潮乃引兵圍泉，二年八月拔之，殺廖彥若。聞嚴威名，不敢犯福州境，遣使請降。嚴以潮能招懷離散，均賦愛民，表爲泉州刺史。

昭宗大順二年十二月，嚴疾病，遣使以書召潮，欲授以軍政。未至，而嚴卒。○嚴妻弟護軍都將范暉，諷將士推己爲留後。時景福元年三月也。嚴舊將多歸潮，潮遣從弟彥復將兵，審知監之，攻福州，彌年不下。潮令曰：「兵盡益兵，將盡益將，兵將盡，吾至矣。」於是攻益急，暉亡入海，追斬之。潮入福州，素服葬嚴，以女妻其子延晦。建汀二州皆舉籍聽命。

初閩人謠曰：「潮水來，巖頭沒，潮水去，矢口出。」至是潮果代巖，而審知繼襲其地。

巖卒後，唐贈以司徒，葬福州郡城北山中。③歲久墓湮，無有知之者。清康熙四十三年，北郊外村民黃福家，於屋後浚溝，得石求售，郡人林侗審爲巖墓銘，因跡得之。以巖忠於唐室，且有大功德於閩，率諸生陳祈廣等，上其事於大府，請復巖墓，爲豪強所格，不得行。六十年秋，始集資修葺，歸石於壙。雍正三年，李範於墓左創祠祀之。道光四年，林縉等復修巖墓，前祠已廢，因移建越山書院前，陳治滋張際亮，先後爲之記云。

①建甯縣，本晉綏城縣地，隋唐間，屢有變置。乾元二年，分故綏城地爲黃連歸化二鎮。乾符五年，黃連鎮人陳巖以鎮衆禦黃巢，表爲義甯軍。尋罷降爲永甯鎮。宋建隆元年，南唐析置建甯縣，屬建州。

②巖卒年月，通鑑從十國紀年，附大順二年末；而考異據昭宗實錄，作大順三年三月，似約奏到日書之。惟考唐書，大順紀元止二年，明年壬子，卽改元景福。朱子綱目於景福元年壬子，書「正月，福建觀察使陳巖卒。」與黃璞撰銘，稱巖以大順三年正月二十九日薨變爲近。其仍稱大順，似巖卒時，閩尙未知改元事，銘雖後撰，從其朔也。

③按黃璞銘文，巖以景福二年八月，厝於閩縣敦業鄉太平里。林侗跋，宋太平興國六年，割敦業等鄉置懷安